



NORSPIS

Norsk kvalitetsregister for
behandling av spiseforstyrrelser

Pasieanttaide geat leat 16 jagi dahje boarrseappot

Diehtjuohkinreive Norgga borranváltuid dikšumii (NORSPIS)

Dá lea čálus mas leat dieđut Norgga borranváltuid dikšuma kvalitehtaregistar (NORSPIS) birra. Mii bivdit ahte válddát áiggi lohkat čállosa čađa. Váldde oktavuoda doaktáriin spesialistadearvvašvuodabálvalusas dahje NORSPIS:s jus dus leat jearaldagat.

Manne mun oaččun dán diehtjuohkinreive?

Don oaččut dán diehtjuohkinreive go leat iskkadeamis dahje divššus borranváltu geažil spesialistadearvvašvuodabálvalusas. NORSPIS čohkke dieđuid buot pasieanttaid birra geaidda dát guoská. Reivves gávnnat dieđuid mo NORSPIS gieđahallá ja geavaha dieđuid du birra, makkár vuoigatvuodát dus leat ja mo don sáhtát ávkkástallat iežat vuoigatvuodaid.

Maid mun ferten dahkat?

Jus dohkkehat ahte du dieđut vurkejuvvot ja geavahuvvot nu go dán dieđus lea čilgejuvvon, de it dárbbáš maidege dahkat. Jus it hálit ahte du dieđut galget vurkejuvvot ja geavahuvvot NORSPIS:ii, de fertet dahkat várrema (geahča vuollelis).

Mii lea NORSPIS?

NORSPIS lea nátionála medisiinnalaš kvalitehtaregistar, mii čohkke dieđuid buot pasieanttain geat ožžot árvvoštallama dahje divššu borranváltu geažil Norgga spesialistadearvvašvuodabálvalusas. NORSPIS ulbmil lea:

- 1) háhkat eanet máhtu borranváltuid ja dikšuma birra,
- 2) buoridit fállujuvvon dikšuma.

NORSPIS nubbe oasseulbmil lea váikkuhit borranváltuid dutkamii. Nordlándda buohcceviessu HF:s lea ovddasvástádus registar, ja bearráigeahččá ahte persovdna- ja dearvvašvuodadieđut mat leat registar meannuduvvot dorrvolaš vuogi mielde, nu ahte mii fuolahit persovdnasuodjalusas ja jávohisgeatnegasvuoda. Dearvvašvuodaregistarláhka ja njuolggadusat medisiinnalaš kvalitehtaregistariid birra regulerejit mo NORSPIS jođihuvvo.

Makkár dieđuid vižžet ja vurkejit NORSPIS:ii, ja gos daid vižžet?

Dieđut mat leat registrerejuvvon leat du namma, riegádannummir ja vástádus jearahallamii dus ja du divššodeadjis dikšuma álggus ja loahpas. Lea dábálaš bivdit divššohasa deavdit jearahallama oassin árvvoštallamis spesialistadearvvašvuodabálvalusas. Skoviin lea sáhka borranváltu birra, ja mo dávda ja árgabeaivi vásihuvvo. Dasa lassin vástidat skovi vásáhusaid ja ávkki birra dikšumis. Don oaččut maid jearahallanskovi NORSPIS:s jagi maŋŋel go dikšun lea nohkan.

Divššodeadji/dikšunbáiki vástida gažaldagaide makkár borranváltut leat, eará buozalmasvuodát, makkár dikšun lea addojuvvon ja eará medisiinnalaš gažaldagaid, earret eará deattu ja guhkkodaga birra. Sáhtta leat dárbbášlaš ahte doavttir/dikšunásahus lohka pasieantajournála dárkkistan dihtii leat go rievttis dikšundieđut maid sii registrerejit NORSPIS:ii. NORSPIS sáhtta maid viežžat dáid ja sullásaš dieđuid Norgga pasientregistar.

Namma ja riegádannummira vižžojuvvo vai besset čatnat dieđuid persovnnalaš identitehtii. Dat galgá sihkarastit ahte registreremat NORSPIS:s leat riektá, ja vuoi mii sáhttit čuovvut pasieantta áiggi mielde jus divššu oážžu mángga sajis, ja ahte galgá leat vejolaš dássádattat dieđuid NORSPIS:ii eará registariin. Dušše olbmot geain lea beassanlohpi registarii besset oaidnit geaidda dieđut gusket. Buohkain geain lea beassanlohpi registarii, lea jávohisgeatnegasvuodta. Dieđut vurkejuvvot bissovaččat registarii, dahje nu guhká go lea dárbbášlaš NORSPIS ulbmila várás.

Mo dieđut geavahuvvojit NORSPIS:as?

Dieđut NORSPIS:s sáhttet dušše geavahuvvot nu mo lea mearriduvvon ulbmiliin ja njuolggadusain mat gustojit NORSPIS:ii. Dieđut mat leat NORSPIS:s geavahuvvojit ráhkadit raporttaid ja statistihkaid. Lea vejolaš ohcat dieđuid NORSPIS:s vai sáhtta geavahit daid kvalitehta- dahje dutkanprošeavttain, maidđái ášahusaid rastá (ovdamearkka dihte iešguđet buohcceviesuin). Prošeavttain ferte leat dohkkeheapmi rievttis eiseválddiin, gos dat gáibiduvvo. Dieđut addojuvvojit dábálaččat nama, riegádannummira dahje eará njuolga identifiserejeaddji dieđuid haga, geavahit koda mii čatná pasieantta iežas dieđuide. Sáhtát oažžut sierra bovdehusaid main leat gažaldagat lassedieđuid addima birra ovdamearkka dihte dutkanprošeavttaide, muhto dan sáhtát biehttalit. NORSPIS persovdnadieđuid sáhtta čohket (ovttastahttit) dieđuiguin mat leat eará registariin. Buot almmuhuvvon bohtosat ja statistihkka mat geavahit dieđuid NORSPIS:s leat anonymat, nu ahte ii šatta vejolaš identifiseret ovttaskas pasieantta.

Du vuoigatvuodát

Dus lea riekti mearridit ahte it hálit searvat NORSPIS:ii. Dalle fertet várret. Dan sáhtát dahkat goas beare, almmá siva haga ja almmá ahte das leat váikkuhusat divššu ektui maid oaččut dál dahje boahtteáiggis. Jus dagat várrema, de sihkkovuvvojit dieđut du birra NORSPIS:s. Sáhtát bivdit oaidnit dieđuid mat leat vurkejuvvon du birra, ja divvut dieđuid mat leat boastut. Sáhtát jearrat diehtit gii lea ožžon beassama dahje ožžon dearvvašvuođadieđuid du birra. Sáhtát oažžut veahki Nordlándda buohcceviesus diehtosuodjalanbargis. Jus oaivvildat ahte du dieđut meannuduvvojit boastut, de sáhtát sáddet váidaga Diehtobearráigehčču dahje Norgga dearvvašvuođaeiseváldái.

Mo dahkat várrema

1. Sáhtát juogo: Várret Helsenorges. Logge sisa www.helsenorge.no neahttasiidui ja deaddilat iežat nama -> Profiila ja njuolggadusat -> Persovdnadieđunjuolggadusat. Deaddilat "Rievdat njuolggadusaid" -boalu "Dutkan, iskkadeapmi ja dearvvašvuođadieđut" vuolde. Vállje «Norgga kvalitehtaregisttar borranváltuid dikšuma várás (NORSPIS)», deaddilat «Várren persovdnadieđuid vurkkodeami vuostá NORSPIS:ii». Merke ja deaddilat "Mun várren".
2. Dahje: Váldde oktavuođa NORSPIS:in, ja mii dahkat várrema du ovddas. Don oaččut čálalaš duodaštusa ahte leat dahkan várrema.

Eanet dieđut

Min neahttasiiddus norspis.no gávnnat:

- Oppalašgova buot dieđuin mat leat registrerejuvvon NORSPIS:ii.
- Dábalaš dieđuid registtardieđuid geavaheamis.

NORSPIS oktavuođadieđut

- Telefodna: 75501081
- E-boasta: norspis@nlsh.no (Ale sádde čiegus dieđuid epoasta bokte)
- Poastačujuhus: NORSPIS, Nordlandssykehuset HF, Regionalt senter for spiseforstyrrelser, Postboks 1480, 8092 Bodø

Nordlándda buohcceviesu diehtosuodjalanbargi oktavuođadieđut

- Telefodna: 75571927
- E-boasta: personvernombudet@nordlandssykehuset.no (Ale sádde čiegus dieđuid epoasta bokte)
- Eanet dieđuid diehtosuodjalanbargi birra gávnnat neahttasiiddus www.nlsh.no

Diehtobearráigehču oktavuođadieđut

- Telefodna: 22396900
- Poastačujuhus: Datatilsynet, PO Box 458 Sentrum, 0105 Oslo
- Eambo dieđuid váidalusaid ja du persovdnasuodjalanvuoigatvuođaid birra gávnnat dáppe: www.datatilsynet.no

Oktavuođadieđut Norgga dearvvašvuođadoaimmahakkii

- Telefodna: 21529900
- Poastačujuhus: Statens helsetilsyn, postboks 231 Skøyen, 0213 Oslo
- Eambo dieđuid oaččut: www.helsetilsynet.no